



## 7 TUT KAGVP ANGSHV'R, KRISTU GVL DAQA LONG, DVLØTLVM VHØ:MO LONG

Esaya 42:1 Nga Pvlace nø Ngai ang kaq zýngāngo nø A:ngi nõ vsvng dvciri dvpvt vdu vbong dø kaciq rvtnā lu:ngoe.

Esaya 49:6 Rvgaq vtýng mvtú høq gómlvm dvpvt ngai Na svng nõ wvngza dvciri dvpvt gálong gø i dvzvrvm ie, wae.

Esaya.42:2-3 Cipshi we.Shvgun Zaywa 72:11, Dvci Rø 24:17-19, Esaya 6: dvdvm vtiqrà. Shvgun Zaywa 98:9, Zakaria 12:10 Ang svng yaq yà:nga rii Ang svng yvng lu:ngoe. Wekvt angmaq nõ vde longza rvt rvngshvng wā padø Ang dvpvt wā longe. Esaya 53: Shvngbei Ang svng gur lu:ngoe. Hi nvng wur vtaq lú:ngoe. Góngsir chùng lú:ngoe. Vsvng mv-gvm ri nvng tiqdø shi nõ dvgvm wāā lu:ngoe. Ang shi dvgvp mvgampe dvgvm taq kóm lu:ngoe. Yesu rvgaqtøm mv-tuq daq vzvng kaq 700 nõng dvgvp dvtån ya:nga we nõ, Yesu nõ shagong wáshi daqe. Esaya 9:6 Kadø ie wani nõngmaq dvpvt cvmre tiqpe gvl daqoe. Ang bøng nõ Vtiqrà, Gvcvt zishupe, Pagø wá da:ngo pe Gvray, Mongzøl koqkvmppe, wa nõ tóoe. Shagong gwāshi nõ gvl daqo we Yesu svng pagø wá dá:ngo pe wā nõ tóoe. Muqlang keni dvza:ro we mø-i ninø chømyore vjò:ngi gvllvm ma-vl. 7:14. Hebru 1:8. Angepe dang nõ Gvrayi rá, Gvrayé, Na koqkvng rungtvng nõ dvcic lvpát evlae. Na mongdan øp dvrýng nõ ma-yvp dø mvdóng we øp dvrýng eiae. Vpei Yesu svng Gvrayá, a:loe

BC 6 nong taq

Abraham, Isak, Yaku Gvrayé, ngai nõ Chvngkangpe svng cāngoe, inigõ yǎnggung cunshi nõ mv-luno.

**Yǎnggung cunshi mv-luno ewā ka nõ dingē. Inigõ me-shikē evǎng lu:ngoe.**

Mika 5:2 taq Yesu nõ Gvray nvng dvcic lvpāt vlpe ie, Shvgun Zaywa taq Ang svng Gvray, tōoe.

Tiqmaqi vtooe, vsvng kaq me-detāni, lú:ngi ewpmtne.

Tǎn eshá lóngnonge, nga mv-shõngke shansher tǎngnõ taq Meshia di rā we yǎng lóngoe.

Simeoní nõ Yesu dang kadvtutka svng cāo we ie.

Simeon nõ ni vrǎm shansher tǎngnõ svng vrõshie. Shvrungshuri gõ wedõ i dcvr mvyõe.

Esayai Yesu dang kadvtutka svng kadõ deda:moe? Chõmyo vjõ:ngi lvngace tiqpe gvl daqoe, wae. Ewa svng gõ svmare dvvõ keni bǎng longē, wa ya:ngi.

Ie, Ang svng Jormonggun vlpe Gvray, wa tõ lu:ngoe wae. Gvza rvnaq we ka ie.

Í vdue.

Nai kadõwa yari dang eshae?

Vpe nõ shansher karu mvshõl shao we tiqpe i rvt dñkari dang erõaie. Shansher tǎngnõ dvcõ:pmo yvng keni Meshia sha:tno yvng hõq 483 nong dvnge vle, Daniel wae.

Akv̄t 449 nong vhõma:mi. 34 nong dvnge wa vle. Tvñé rvgaqtõm taq Ang tuq bõi mã gõ ma-sha!

Shaqreri namaq ka svng tǎngo dvgvp nga gõ nõt najǎngkenge. Ngai shansher karu rǎngo dvgvp vlēam we 500 nongram taq Meshia dang Daniel kadvtutka svng gvza nõt lǎmlvm dõ ie.


Mongka svrarií mv-shaorií nai kadõwa eshae?

Mõ-i, nga svng detan daknga we nõ, nga mv-shõngke shansher tǎngnõ taq, cvmrecepte svng evǎng lú:ngoe, wae

Yalong kadõ wā eshae?

Tǎn evǎng lóngnonge.

**SIMEON BAT TÉ RAI  
NIGØ VDVNASHAQ  
PE YESU SVNG  
YVNG LUNLVM  
DVPVT SHANSHER  
TØNGNØ TAQ CAO  
DVGVP, ZAKARIA NØ  
VJU RØTLVM DI RAI.  
ANG NVNG ANG  
CHØMME NØGVZA  
SVRØNG RAI NIGØ  
CVMRE MA-DA  
DÛR WAE.**



Canwā shvrúgrà vbànglap taq muqlang dvzvri tiqqø rip rai.

Me-sereni, na vjurøtka Gvrayi tá bøa. Nvchømme Elizabetní nø cvmre tiqpe gvl daqoe, ang bøng Yohan wa tó rae.

A:ngi nø vsvng shvngbe svng dvbu dvzvri lu:ngoe. Gvray mvrðvng taq te we tiqpe i longe. Nøci nømung ang ma-aq longe. Meshia Ang tvra dvgøashu i nø Eliya dø nonggun kvng longe.




Na eshøn long ding we tvra kadøwa shá daq ma? Ngani nø cvmre ma-dáshi, vdøm ishae.

Nga nø Gvray mvrðvng taq rip we Gabriel øngae, yari dvtálv mrvt døng daknga. Yalong mv-bøn rá dvnge taq máa ei longe.



Zakariaé, Vci Sara dø øngvma. Vjurøtka èzōā bøsha nø kadvtutshú angmè øngvma.

Yadāng dvmvñ daqi kvtrvrm dvbulvm wā i lōnge. Chøm taq gø mongzøllong dvnzøngám. Nai shálvn tiqka nø Gvray dvzvri svng mv-kvm rá dø mv-wálvn yalong ie.



Meshia dang kadø i lōng tvra viēám we 4000 nøng dvgvp kadvtut ya:nga. Viēám we 700 nøngrām taq Esayai gø, chømvo vjø:ngi angece tiqpe gvl daqo nø Ang bøng nø, Vhangvtvngpe Gvray Angcepe, wa tó lu:ngoe, wae.

Mari nø Yosep nvng shvzøngshilvm dvnka vzishaq ie. Inigø lvgare nvng shini ma-shushi dvgvp ie. Ang nø Moshi dvra svng gvza vpøo vsvng ie.



Chvñvñvñ muqlang dvzvri Mari yvng dvtanshi daqi.

Marié, nai nø jeju elú:noe. Nai cvmre tiqqø egvl daqoe, vl daqa.

Nga nø lvgare nvng gø ma-shøngshøng dvr, kadøwa bøn daqni?

Shansher Pvlacei dekøq daqe. Nai eriø gø nø shansher pe Gvray Angcepe ie. Nvri nvyangme Elizabet gø svrøng rai dvgvp gøngshāng mø-i we chuq shvlá ia:mi.



Nga nø Na vshuqmè øngae, Vkangpe Na nøt laqi daq.

Ngai Gvray jornonggun keni cvmre tiqqø ri vdūa:mi, Yosepmi kadø dvdvm rá ma? Vsvngrii kadø dvdvm rá ma? Akvt dvdvm bønga, Elizabet yvng dvhømshilvm ie.



**ELIZABET**

Mari, nga zvmil!

Na nò svmare shvngbe keni jeju lún mè eie. Nai erío we cvmrece gò ishòt igvn vie. Nga kagò ònga rvt dehòmsi rai? Na shaq táng bõnga chàng nga puqwá taq vl we cvmre gò gò shvwéshi nò chòngshi lu:ngi.

Nga tiqnòt kò:pmi Gvray shvgúnòe. Chutchvng jeju yalong rvt nga dongnòt gò dvbue. A:ngi wà daqa we bnli yalong rvtno, vsvngrii nga svng ishòt lún mè evl longe.

Gvrayi nò cipshi vsvng kaq hà:ngoe. Vkup Abraham svng dvn ya:nga dò nongmaq svng gò dvsha ezà daqsha.

Mari nò Elizabet nvng vshòm shvlá tiqdò vie.

Elizabet nò cvmre rúng rvtò gòã ráã.



Zakariai nò muqlang dvzvr shòn dò cvmre tiqgò lúnlv m ia:mi.


Lvngacè i daq ninò angpe dò Zakaria tò rà longe.

Kùlà, tuq rai, ang svng ròtdvng ie.

Ang mv-kvm rvt màã i dezrvpmà, wae.

Cvmre bõng nò kadò tòl ma?

Vrùlv m pvn ròtne.



Muqlang dvza:ri Yohan wa nò tò ràe, wae, wa nò vrúoe.

Yarvp taq Yohan tòshi we tiqgò gò ma-vl dvr.



Lvngace ie, mól gò yòe.



Gvrayi wà daqi dò ang svng Yohan, wa tóoe. Ang nò Israel dpvpt Chvngkangpe yvng svng shòlshupe ie.

**Á, ang kà shòn lú:ngi! Ang mà-á i we mvme shvlá f rai we le.**

Yalong nò Eliyai kadvttut ya:nga dò i long ma?



Yarvtø taq Yosep nò nòt gvza shoknge.

Yosep, kadø deda:moe?

Vmèá, yalong svng nga mv-kúm, ang nò guchangre nvng vcvn we gø mv-yúngshi. Chøm taq angpe angmè nvng tiqdø vl we wá yúngshie. Ngai gø ang svng ma-léngo, cvmre nò kadøwá Ivria:tnoni!

Ngai ang svng nò lú mv-lun bõnga. Vsvng mvmei shá bõø kvv téwa ma-shvla. Mø-ini lú:ngi wvp rá má gø ma-sha! Mvyð:ni lánglvm wai.



Cvmre angpè nò kagó ie?


Ang shøn we nò cvmre angpe nò Gvray ie, wae. Vsvng nòt keni bøn lú:ngi we mø-i, Gvray Pvlace jornonggun keni bøn lu:ngi we ie, wae.



Ó, àngdál dvrà ie.

Cvmre gø nò Gvray angce i nò rvgaqtøm vsvng kaq chvngshu i longe, wae.

Ó, yalong nò cvmrece Gvray kaq vleshi dvzvr we lè ie.



Yosep yøp dvgvp muqlang dvzvr dvtanshi daqi.

Dawi angce Yosepmé, Mari svng nvchømmè wálvv dvptv lúlvv me-sereni. Ang nò Shansher Pvlice jornonggun keni cvmre gong i we ie. A:ngi cvmre tiqpe gvl daqoe, angbõng nò Yesu wa nò tó ràe. Ang nò vsvng kaq mvra keni chvnglvm pe i longe.

**Esaya kadvtutka taq, chømyo vjð:ngi cvmre tiqpe gvl daqoe, Ang svng nò Immanuel wa tó lu:ngoe, waka vjøm ral we ie. Immanuel waka lvm nò Gvray nò nongmaq nvng tiqdø vie, waka ie.**



Marié, ngai ná svng mv-røp bõnga lõng kadvgvp chutnalvm ewæ?

Ngai gø cíngoe, shvngbe dvtiqshi vdüe. Israelmèlā shvngbe keni rëcVng nò rvgaqtøm vsvng chvngkangpe gvl dvzvlvm wà daqa we ie.



Cvmre nò kadø vshvm daq ma? Ang nò Gvrayce i rvt chàng kà shøn lõng ma? Chàng karu rø shá lu:ngo ma?

Yosepmé, ngai gø mv-shángo, tvn yúngsho.

Nongmaq nò Dawi rvp ishàe, Meshia nò Dawi rvp keni búng lõnge, wa nò kadvtut ya:nga.

Ngai dvdvm rønvtnà. Eden kulwangø Gvrayi dvnka zi ya:ngi we nò, svmare dvyøi cang koqkvv vgø vzvlvm i longe, wà ya:ngi lõng akvt sháng bõnga. Cvmre yape nò lvgare keni angce mø-i, svmare keni ie. Gvray gvctv nò nvmlat nvmpvng keni vjønshaq I dá:ri!



Yosep nvng Mari nò Galili Nazaret rvwa taq vle. Inigò kadvtutka nò Yuda mong Betlehem mvring taq Meshia gvl daqoe, wae. Mika 5:2.

Bashari etánong:  
Kesar koqkvm vmingkà ie.  
Bong vrushilvm rvt Yerusalem  
svng di rae,wae.

Yosep na gò  
Betlehem svng di ràa:mi,  
cvmre gvlvm rvtòl vl  
mè-nadūa:mi.

Vrúm kaq ngà  
wā nò mv-dōng, na  
svng gò shōllvm ie.



Na svng tvra  
vrúm svng shōl  
ma-du, nātving  
kvt shvlāe.

Mò-i, cvmre gvl  
rvtò taq vni gógò vlshi  
nò shvlāe. Vsa:ngi nò  
mv-cingā rā we ma-sha!



100 míng vrúm rvt tiqnar tōme.

Watwat dishi,  
cvmre gvl rvtò  
gò yùl rai.

Zaqlè  
chòm chōng má  
yvingmshò.



Marié, gónggi mv-ra,  
cvmre gvl dlvngshu  
tiqgò láng bōnga.

Yòprà  
mv-chōng ma?

Mv-chōng,  
zaqlè  
zōngá:mi.



Yúldvngwā nà  
cvmre gvl lúnshi bòi.  
Gømrang chòm taq gvl  
vdu rvt wā ie.

Nòt dvshá mv-ra,  
tiqni taq rvgaq svng  
A:ngi øp lú:ngoe.

Ie ma? Weni taq,  
Na egvl ya:ngi we (gvl dlvngshu)  
nò Liyubattrā ie, evlnong.

Pà le?  
mùnmùn  
sensen

rø mv-tòmshi we  
muqlang ðvzvrl

Me-serenøngni, bashari  
ðvpvt vtving keni ðvbulvm  
shvngka shvlá riá ðaqsha. Deni  
Dawi mvring taq namaq ðvpvt  
chvngshu tiqpe gvl bøa.

Svngshvrce nø  
rvvéi mæqo nø ninakung  
taq ðvbò:mo we eyvng  
bónønge, wae.

Vhang vtving yvng  
Gvray svng sheringnøng,  
rvgaqtømø Ang wvmshi  
rii nø mongzøllong  
laqlu:no, wae.

Muqlang ðvzv  
ðvtanshi ðaqi we kaq  
nà ekvm ma?

Nga chømmè  
ðvtàngvmønøng,  
ecāsha.

Israelri taq Meshia  
gvl ðaqoe, waka etá  
dá:ro ma?

Ngai tũngtuq  
yvng mvyønge.

Chvngkangpe,  
mongzøllong zishu  
svngshvrcepe có,  
yvngá:mi.

Yøp ðvzvn vdu  
nigø etønasha,  
Muqlang ðvzvrrí  
shøn ðaqi rvt ði  
rásha we ie.

**MESHIA**

Chvngkangpe nø  
cvmréce dø gvl bøa we  
svng kagøi gø ðvdvwm  
ðámv-rø:noni!



Dvra vl dō Yosep nvng Mari nō shvrungshu mvrđvngō svngshvrcēpe svng shvrunglv̄m đv̄pvt rvtō gō rai.

Yosep, shansher tōngnō taq̄ dii we nvmlat poq̄ ie. Cvmrepe nō Kristu I we kagōi gō shini mv-shao.

Ang kagō i we shini dv̄gá kaq̄ đvtá mv-đaq̄, Ang tē lōng dv̄gv̄p kadō i lōng we ȳngđv̄ng ie.



Simeon nō shansher tōngnō taq̄ vle.

Ang ie. Nōngmaq̄ cāi we mvme vlē rai.

Mari, ang kagō ie?

Mv-shāngo, yayvng nōngmaq̄ svng eshái we tiq̄gō gō ma-vl.



Nga Gvray nō ishōt igvn laqvl đvr! Na đv̄nka vl dō nga nō Nai chutchvng we tvra svng ȳng lun bōnga rvt shōngnōng gō nōt shōm̄vma. Cvmre yape nō Gvray Ang dv̄gung nvng wvngzari đv̄pvt v̄wānlv̄m gálong i lōnge.

Yalong dāng nai kadōwā eshāōe?



Vsà:ngi Ang svng cip lá lú:ngōe.

A:ngi v̄hōm lú:ngo we đvshalv̄m long nō nvr̄ōm đēlv̄m hōq̄ i lōnge.



Meshia svng eȳngv̄tnōng, shansher tōngnō ȳng di rai. Kadvtut ya:nga pe Ang ie.

Ang nō Anna ie. A:ngi Meshia tiq̄ đvc̄iq̄ cā đaq̄a.



Yape nō Kristu ie. Vsvng kaq̄ m̄vra keni chvngshūpe ie.

Weni keni Annai nō chutchvng jeju vtōshilv̄m rvt shvngbe svng đvbukà đvshā:ngoe.



Israel mǒng nvmsvr lám taq Meji vsvng tiqmvdóí nǒ, kadvtut karuri rǒo nǒ dak mā: noe. Wervt Meshia tuq daq long sháoe. Svngshǔrcepe Meshia gvl bǒa we gǒmla gǒ kurbu chǔng keni lá lun bǒa.



Nǒngmaq dii we mvme vle rai, akvt tuqlvm mong nǒ anghǔvr tiqmong ie.

Kurbuchà:ngi Israel mong svng eshǒ:lie.

Kurbuchà:ngi anmaq svng Israel mong kaq shǒla:tna. Svngshǔrcé gǒ kayvng vl we rǒtlvm rvt wama svng gǒngá:mi.



Herot koqkvmé, nvmsvr lam keni shaqré vsǒmpe tuq rai. Angmaq nǒ Israel koqkvm gvl bǒa we svngshǔrcepe svng noqlvm di ráshà, wae.

Svngshǔrcèpè! Koqkvm nǒ nga óngae, Wepelá svng, karu vrushuri, shvrungshuri nvng tidǒ eshǒlvtng.



Koqkvmcepe noqlvm edi rásha, kadǒwá yadang eshánǒnge?

Ang kurbuchǔng keni sháie, noqlvm di rásha.

Ang kayvng ie?

Kayvng i we mv-shái rvt koqkvmcepe kaq rǒtnvtshà we ie.

Nga paqzi vdéri svng rǒtlvm ie, nga mepvng edi ránǒng.



Gvl bǒa we Yuda koqkvmcepe svng noqlvm di ráshà, wae. Ang dǎng kadvtutshu karu taq vbá ma?

Ang kurbuchǔng yǔng bǒsha rvt noqlvm di ráshà we ie.

Ie, Ang bǔng lǒng we kadvtutshu karu taq gvza vbáe. Inigǒ mv-ká:mi rvt nǒngmaq karu taq veri ma-rúshaq ie.

Ie. Kadvtutshu Mikai, Yuda dvgǒng keni Meshia nǒ Betlehem yvng gvl lú:ngoe, wa nǒ kadvtut ya:nga.



Etánǒng, Koqkvm wepe svng ngai gǒ noq mvyǒnge. Eyǔng bǒnǒng kvtt detavtsha.

Shvlae, chàng dvtáa:tnie.

Koqkvm tiqpe gvl bǒa, waka rvt Herot gvza svree. Wervt Ang gvl rvtǒ sǔndǔvng wǔgǔrwang cvmreri shmvǔnglvmm nǒt ra:tnoe.



Cvmrepè kayvng gvi daqò we karu vrushurii sháoe. Inigò kadvtutshuri svng mv-kým.

Israel kadvtutshurii vruo we nõ dvgari nvng ma-bóng, yadò ding we kadvgvp gò mv-yvng dvrò.



Eyvngshò, nvmsvr lámò yvng bøsha we kurbuchvng!

Dvgari nvng ma-bóng téwá shúre.

Kalap svng dí lõng we shvláwā yà:ngi nõ cvn bói.



Kulà, kùchòm tvnū narshie. Inigò Betelehem mò-i. Weyvng mvme vl dá:ngi vcilshi bøi chòm i vdue.

Nongmaq mvme tòem ráshà, tuq rvtò i rai.

Rvmòt mvdvm vhang dò mv-chā, dàlv m burbu ie.



Namaq dvshoklv m di rásha we mò-i, Chvngkangpe noqngømlvm dvpvt vrum keni di rásha we ie.

Namaqi kadòwā eshånønge?

Karurvduil taq vrushaq mvshøl rō lú:ni yvng keni ie. Weyvngø Chvngkangpe tuq daq we dang kadvtutshurii vru ya:nga. Nongmaq svng kurbu tiqchà:ngi eshølvtsaha.




Gønpaq yalù:ngi Chvngkangpe svng cipnø:tni nokngøe. Vsvng shvngbe kaq A:ngi dõngman dvzvr lú:ngøe.

Weyaq taq Gvrayi Mejiri svng yøpnvng taq cvmrepè yvng bøa dāng Herot svng ma-dvtálv m dvtan daqa. Wekvt dvgá dāngdāng vtvngá:mi.



Nvmsvr lám keni dí ral we vshòmpel eyùm bõnga. Cvmrepè yǝng bõa nigõ nga kaq svre rvt dvǵa tvra lǝá:mi.

Cilceri Betlehem svng dezá:ro. Vnínõng keni pǝngkaq lvngásvreri kutwá laqsha:tnò, Vming dèjáo.



Deni yadò nõt dvshalvm vshómshi lõnge, wa nõ mvme vlé dvǵvp keni kadvttushaq ie.



Mvme vléám dvǵvp Yaku nõ Ejip mong svng shúngshi yà:ngi dõ, Yosep nvng Mari gõ Ejip mong svng yilshía:mi. Mejirii noqa:tna we gõnpaqri vju gvza vlá:mi.

Herot shiám mepvng Yesu bat 2 nõng taq Israel mong svng Gvrayi vtǝng dvza:roe. Ngacèpè svng Ejip mong keni gõng lóngõe, waka dvhõ:mo we ie.



Ejip mong keni vtǝng lú:ngi kv, Gvrayi Nazaret yvngõ vl dvzá:roe. Yalong nõ, Ang svng Nazaretpè, vl lú:ngõe, waka dvhõ:mo we ie.

Yesu nõ Yosep nvng shõngkõm rvmúlangli wáshie. Yesu nõ shāgõng nvng zitnõt shánõt gõ tiqðõ té mvnshi lú:ngi.

Namaq pǝngwápè pòni dezaqshi bõshà, vmpà èvm ránõng.



Yesu 12 nong i rai  
dvgvp shansher tǝngnǝ  
svng diá:mi nǝ mvshǝl  
dvshā:ngoe. Vsvngri  
Ang svng dǝe.

Yesué, vyǝngce yagǝ  
shvrǝngshupe yǝng elǝng  
bǝo, nvpni nǝ shvrǝnglvn  
angni ie. Deyaq dvpvt  
yǝprǝ lǝshi rǝe.

Yesui, ngǝ  
nvng tiqrǝ shansher  
tǝngnǝ yǝngǝ:mi.




Shvrǝngǝo we bvni  
vdǝngǝ:mi mǝpvng  
kadvngte ma-lé dvgvp -

Yosep,  
Yesu mv-yǝngshi dǝr,  
deni cǝngdǝo kagǝi gǝ  
mv-yǝ:ngo!

A:ngi búnglvn  
i we gǝ shaoe. Deri  
dervp yǝng dvzvnni  
wǝng we dǝie!

Mǝpvnglap  
Yerusalemǝ í  
rai pǝ ie.

Vtǝngshi  
nǝ lǝvmsǝo.



Kadvttutshurii shǝn  
ya:nga dǝ, Meshia nǝ Dawi  
ange i lǝnge, wa ekǝmnǝnge.  
Dawii Meshia svng Gvray tǝo  
we svng gǝ ekǝmnǝnge. Ini,  
tiqvt nǝ vsvng tiqvt nǝ  
Gvray i we nǝ kadǝ ie?

Nai eshǝo long  
svng nǝyǝshi, lvngdǝm  
taq nǝ noqngǝm tvra svng  
tǝmv-lǝvn we vpǝ shǝoe.

Ang  
kǝyǝng vle.


Gvray mongka nǝ  
dǝngman ma? Mǝ-ini namaq  
eshǝnnǝng kǝ dǝngman ma?  
Nǝngmaq vtǝng nvng vbǝngri  
svng wǝ vtǝi we mǝ-i ma?

Nai dedǝ:mo long  
vdue, ewǝ ma? Yadǝ i  
we vmǝshaqkǝri svng nǝ  
shaqrierii wǝ shǝshie.

Angjǝng dǝngman lǝng  
nǝ gvza rvnaqe ma? Nǝngmaq  
cinglvn rvt shansher karu keni  
pǝna we mǝ-i ma?

Wedǝ inigǝ  
shvngbe svng vto mv-daq,  
shansher karu taq wae.





Elizabeth nò Mari v̀vngkaq 6 shvlá í kē cvmre gv́l daqà. Muqlang dvza:ri Yohan wa nò tólv̄m àvlshaq ie. Ang nò Meshia dilvm dāng tvra dvgòashú ie, wae. Yalong dang 500 nong rà dvgv̄p keni kadvtut yà:nga kà v̄h̄m rai we ie.

Mv-ḡvm long egūrn̄ong nò Gvray mongka ec̄vnn̄ong. Muqlang mongdan yùl rai. Meshia vtólv̄m degòshin̄ongri svng nò ngai tilòp zilvm ie.

Nga mepvng dí daq gó nò nga mvdvm tēē. Nga mà-v̄l dvgv̄p keni Ang àvlshaq ie. A:ngi namaq svng Shansher Pvlace taq elòpmtvn̄onge. Rvtò vl dvgv̄p nòt elingshin̄ong.

Yohané, nongmaq kadò wáshí rà ma? Gvrayi, Ang d̄ongman tvra c̄vnlvm pà wá ràe, wá ma?



Vm aqlvm v̄l góí mà-v̄l gó svng laqzio.

Belaq vn̄idung vdá góí nò mà-dá gó laqv̄v̄n̄āo.



Svrapeé, nongmaq nò mongdan b̄vnlí wài ri ish̄ae. Nongmaq nò kadò wáshí raie ma? D̄ongman tvra detúshà.

Zōngyā mè-r̄øtn̄ongni, dv̄d̄úsh̄aq mvdvm v̄ché d̄ò mè-ḡunn̄ongni.



Nga nò Gvray noqshi vsvng mà-òngà, inigò Gvray w̄vmshí d̄ò cvn mvȳongē, kadò wáshí rà ma?

Vsvng kaq mv̄h̄ò mv̄hut mè-w̄an̄ongni, vm̄ing líng wei vsvng dv̄rē t̄òlshi mv̄-daq, elúnn̄ong we zibè taq nòt esh̄òm̄n̄ong.



Baptism waka nò Helini kà i nò ang lv̄j̄øm nò tí d̄òng svng l̄ø:p̄mo we svng wae.

Nga mvdvm j̄ornonggun vl we tiqgò vle. Ang hish̄vn̄àm̄h̄ong p̄on̄ālv̄m ḡò ngà mà-p̄ong. Namaq nòt elingshin̄ong ninò Shansher Pvlace taq A:ngi elòpmtvn̄onge.

Ang svng mv̄-kvm nò mv̄ra wao ri svni mongdan svng v̄j̄ālv̄m í longē. Mv̄ra wá enarsh̄in̄ong.



Nga nõ Meshia mã-õngà.

Meshia vto mvyø vsvng kagø vle? Na kadø shõn meyøe.

Moshi shõn yàng we, Gvray mvrðvngø vsvngri nõt língshi dvzv́r lú:ngoe, wa we kadvtut shupe eie ma?

Kadvtutshu Esayai, Zømwang yvng vkiq we kà, Meshia dilvm tvra dvgõashu, wã gó õngae.



Nai nõ yari svng tiløp zilvm hòq kapà vming elú: nõ ma?

Nga nõ Meshia dpv́t tvra dvgõashú õngae. Namaq nõ bò angceri einõnge. Namaq nõ Abraham angceri ishàe, Gvray ançe jøngkvp ishàe, wa dedvmshinõnge.

Dvshvngshinøt egürnøng, nõt me-lingshinøng keni nõ, wvrdii rø:mò dø erømønng nõ svmi mongdan svng egür bønõnge.

Meshia tuq daqe, ewã kà nõ, Ang kadvgvp tuq daq we kadøwã esháoe?

Muqlang dvzv́r shõn daqi we nõ, Gvray Pvlace nõ kãõcè dø Ang mvdvm lãshi daq Gó nõ Meshia i nõ Chvngkangpe ie, wã daqi.



Yohan nõ 6 shvlárãm kukaq yakaq vtishi nõ mvshøl dvshvng dvgvp Yesu nõ 30 nõng vhøm rai.

Kadø i pvn vhøm lú:ngoe we angmèi sháoe. Nvrøm dē hòq dvshalvm vhøm lú:ngoe we Gabrieli dvtashaq ie. Yose:pmi gø shá dvzv́r mvyøe. Ngacè Nai kapà walvm ie? Bvnli nõ kadø pvinglvm ie?

Ngacè Nà shansher tøngnø svng vrá tiqkvt di rà ma?

Ngacè vrá tiqkvt nãtvng rà ma?

Vmèá, Ngai mv-shãngo, Vpei tvra dvtú daqe. Nvmlat nõ Yohan yvng di nõ tiløp lún rà lõng ie. Angcø angceri dpv́t tvra dvgõashú nõ àng ie.

Angkvtkvt vtving rãnge, Vmèá. Vmè svng chut gur mã-mvyøng. Inigø Vmè tøznãnøt vl rãe.



Meshia dilvm tvrã degònøng.  
 Nvcó nvcèri svng Gvray Ang dvkvmkà  
 shvngøtlvm degòshinøng. Tvra vmàn we cvmreri  
 namaq ètøngnøng we laqya yvng bøø kvv wvng  
 ràe. Nøt dvsháyvng shvngvme.


Namaqi Meshia svng  
 natønøng we shálvvm, nøt  
 língshi we shálvvm ti eløpshi  
 ránøng. Meshia tuq daq kvv  
 mvra echutna daqnønge.

Yohan, Nga svng  
 tiløp ezønga.



Nai lè nga svng  
 tiløp zi ràng we ie.

Yohan, Gvrayi  
 Ang bashari svng dvkvmka  
 zio dvnge nøngmaqi  
 gø wá ràe.



Kāø,  
 Kāøcè ngai  
 yvngøe.





Na nõ MESHIA  
ele. Ngai vzyng  
shá vdüe.



Ang nõ Nga  
shongsheng we  
Ngacèpè ie.

Ang nõ rvgaqtøm  
vsyng mvrà rí dbyngshu  
Gvray Vyvngcepe ie.



Gvrayò  
Shansherpè

KRISTU

Ang tuq rai.

A:ngi  
muqlang mongdan  
shvzøng lú:ngoe.



Ang kayvng diám ma?  
Mongdan svng chvnglvn  
rvt mø-i ma?

Rvtø vhøm  
rà kvv í lönge.  
A:ngi nõ dvløt rà  
lönsvng jør ràe.

Kapà dvløt  
lönge?

Adam Ewaní sóm  
yà:ngi we dvløt rà pvn ie.  
Dølong angkangpe svng  
A:ngi vhøm ràe.



Vbicé nì vbicé yaq tønshilvm Angpèi  
ävshaq ie. Ang nõ svri shi nõ shaq cvmè.  
Ang wedø i dvgvp Angpe dvkvmka svng  
vlélvm rvt satan dvkvngshi nõ dvløt:tna.

Adam Ewaní nõ Gvray dvkvmkà svng  
mv-tà nõ vléø rvt øplvm vming vkvng  
shvmvng bæa.Yesu nõ Vpe Gvray ó tiqvcha  
dvciv lvpát cunshi we Gvray ie. Inigø shí  
sháo pvn vsvng pøshi daqi. Dvga vsvngri  
sóm we dvløt rà we taq jorvm ma?



Vbicé nì vbicé yaq vm vnatshi rvt svri shi  
nø shaq gvza cvm daqi. Yalong nõ svri bãng  
we, bál we, shaq cvm we, mv-jor we, zà we,  
rvmnà:ngi gür we, tiqgø wà i we, nõt dvsha  
we angpvpvn svng tin vlotshi we ie.

Kvmnøt cvmlvm rvt svre vnvlvm angpvpvn  
keni rvtø yvnggung dvløt:tnoe. Lvngdøm taq  
sataní angwà mv-wà dá:ro we tiqpvv wào wei  
dvløt:tnoe. Yesu vtvngshaq svri bãng dvgvp satan  
ang góng dvtanshi rai long ie. Na nõ Gvray  
Angcepe ei rvt vmlvm pvn svng vmlvm vming evle.



[Empty speech bubble]



Sataní Adam svng, Gvrayi mè-vmni, a:lò lòng shòngshí vmlvm rvt dvlò:tno weó vbonge. Vsvng angepepe gø svri bāng dvgvp dvlò:tnoe.

Vbicé nì vbicé yaq ma-vm ma-aq í lú:ngi dvgvp Yesu dvpvt vtvgshaq dvlòtvm tiqpvñ vholm vdu rai we ie.



Lóng yachvng zidong shèlèò nò èvm lè.



Mv-wǎng, vsvng nò zidong keni wā cunshi we mø-i, Gvray mongka keni ie, a:loe.

Mepvng ecvñ rā, Gvray kaq wā tá rà yǐng svng shòlvtñong.




Yayvng keni degupshǐvm, mv-shvtshilvm muqlang dvzá:ri nàbùm dāe. Yalong yà:ngorii angjòng Meshia í we shá lú:ngoe. Shálvñ yari wálvñ edi daqi we mø-i ma?

Shansher karu taq wāe, èwā dø, ngai gø vlvtnøng. Na hí mà-tòp dø muqlang dvza:ri nàbùm dāe, wà yàng we mø-i ma? Akvt yārvtø nò Nào shalvm gømlari svng muqlang dvzvrri dvzøm dvbvngshilvm rvtø ie.

Na Gvray svng vlot mv-daq, wa gø vrūe.

Na nò rvgaq svng eshongshí nò rvgaqtøm svng edi daqi we shángoe. Na eshòng we tvñ tiqpvñ dvtanvtñong edi rā.




Eyà:ngo, Vtvngshaq dvgùng vl we mongdan tiqlong yvngshie. Kadvngshi vnpv we mongdan! Adamí vlé bœa yvngkeni wama welong ngai øpmœe. Vsvng shvngbe gø nga wur taq ie. Welong nø ngàø ie. Rvgaq Gvray nø nga øngae.

Bvnciq tũshidvng nga svng enoknga. Wekvt nga wur taq vl we dvgùng gùngshvng nvg vl dvnge shvngbe Na svng tvlelvv ie. Na shønlvm vl ma? Shansher karu taq Nvkang Gvray svng wã noq ràe, wa nø vrue, wa nø vtã:noe.



Yehowá, Nga svng wã noqshi ràe, dvgá mvshá invt svng noqshi mv-daq, wae. Nã esómã:mi, Elúshi.

Wekvt Yesu yvng kení satan nø vtshíã:mi. Mvshølmvyãng taq cang koqkvm kaq jor we nvmlat poq ie. Rvgaqtøm vsvng shvngbe Gvray kaq wã noqshí rà we angmvtú yvngshíã:mi.



Vbicé ni vbicé yaq dvløtlvm pvn kení jørã:mi nigø zvn dvtut tvra dí rà rvv tvvngshaq mv-jørlvm vho:moe.



Wekvt muqlang dvzã:ri zidong nvng aqti zi daqã kvv nonggun vl lu:ngi. Weda:ngi Tiløp Yohan vl yvng svng vtvng rai.